



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

Na osnovu Naredbe Kriznog štaba Ministarstva zdravstva Kantona Sarajevo, broj: 45-20/20 od 04.07.2020. godine, direktor donosi:

## **KRIZNI PLAN PRIPRAVNOSTI I ODGOVORA NA POJAVU KORONAVIRUSA (COVID-19)**

Ovim Kriznim planom Javna ustanova „MES – Međunarodni teatarski festival – Scena MESS“ (u daljem tekstu: MES) utvrđuju se preventivne mjere u cilju usmjeravanja radnika MES-a u okolnostima izazvanim pojavom koronavirusa (COVID-19), vodeći računa o mjerama koje putem naredbi donose nadležni krizni štabovi ministarstva zdravstva i drugi organi vlasti na teritoriji Kantona Sarajevo i Federacije BiH. Plan sadrži tri cjeline kako slijedi:

### **I Radnici MESS-a**

- **Smanjenje fizičkog kontakta**

Radnici MES-a u obavezi su da smanje broj direktnih kontakata, posebno na udaljenosti manjoj od dva metra.

- **Smanjenje radnih sastanaka**

Radnici MES-a u obavezi su da održavaju sastanke video vezom, pojačati telefonsku i e-mail komunikaciju. Preporučuje se sve sastanke u MES-u održavati on-line ili kada je to neophodno, u zatvorenom prostoru sa ne više od 3 osobe uz obavezno nošenje maski i poštivanje fizičke distance ne manje od 2 metra.

Sastanci članova Komisija, Upravnih i Nadzornih odbora održavaju se na način da se poštuju mjere fizičke distance i obavezno nošenje zaštitnih maski, a po mogućnosti on-line.

U slučaju neophodne potrebe može se organizovati rad od kuće ukoliko takva mogućnost postoji.

- **Smanjenje radnog vremena**

Radno vrijeme zaposlenih u MES-u može se skratiti odnosno izmijeniti (raniji početak i raniji završetak), ne samo iz razloga neposredno vezanih za borbu protiv zarazne bolesti nego i iz razloga opće zaštite na radu.

Odluku o skraćanju radnog vremena donosi Krizni štab J.U. MES, a sa istom se obavještavaju svi zaposleni i objavljuje se na oglasnoj tabli ustanove.

- **Praćenje kontakata**

Radnici MES-a u obavezi su da vode računa o osobama sa kojima su u zadnjih 48 sati bili na manjoj fizičkoj udaljenosti od 2 metra i vremenski duže od 15 minuta („bliski kontakt“). Istovremeno su dužni da zapamte kontakt osobe ukoliko bude potrebno da te podatke saopšte zdravstvenim radnicima.

Svi radnici MES-a obavezni su u slučaju pojave simptoma zaraze korona virusom (povišena temperatura / suhi kašalj), ostati kod kuće, te o tome obavijestiti nadležnu zdravstvenu ustanovu i poslodavca. Na isti način dužnost svih radnika je postupiti i u slučaju kontakta sa oboljelom od korona virusa.

- **Samoizolacija bolesnih**

Svi radnici MES-a u obavezi su ostati kod kuće u slučaju pojave simptoma bolesti uzrokovane zarazom

# MESS

J.U. MES  
MEĐUNARODNI TEATARSKI FESTIVAL  
SCENA MESS  
WWW.MESS.BA

(temperatura, kašalj). Ako su bili u kontaktu sa osobom oboljelim od koronavirusa ili su se vratili iz područja u kojima je registrovana pojava koronavirusa, dužni su odmah obavijestiti nadležnu zdravstvenu ustanovu i poslodavca.

## II MJERE HIGIJENE

### • Ulazak u ustanovu

Obavezuju se svi radnici i posjetioци MES-a da prije ulaska u MES dezinfikuju obuću u dezobarijeri postavljenoj na ulazu u ustanovu, da dezinfikuju ruke sredstvom za dezinfekciju postavljenim na ulazu u MES, uz nošenje maske za lice i održavanje fizičke distance u svim smjerovima najmanje 2 metra.

### • Higijena

Svi radnici su dužni pridržavati se higijensko-epidemioloških mjera izdatih od nadležnih institucija koje podrazumijeva redovno pranje ruku i korištenje sredstava za ličnu dezinfekciju.

### • Provjetravanje, čišćenje i dezinfekcija prostora

Zajedničke prostorije obavezno je provjetravati dva puta dnevno najmanje pola sata uz nadzor ulaznih vrata tamo gdje je potrebno, kako bi se spriječio ulazak osoba bez nadzora. Kvake na ulaznim vratima obavezno treba dezinficirati što češće.

Najmanje jednom dnevno će se dezinficirati električni prekidači u zajedničkim prostorijama, kvake u zajedničkim prostorijama i kancelarijama, rukohvati u hodnicima, telefoni u zajedničkim prostorijama i kancelarijama.

Nadležni krizni tim ustanove dužan je da preduzima sve potrebne mjere kako bi se nabavile dovoljne količine zaštitne opreme, posebno dezinficijensa.

## III KRIZNI ŠTAB J.U. MES ZA UPRAVLJANJE KRIZNOM SITUACIJOM

Direktor imenuje Krizni štab MES-a za dalje poduzimanje neophodnih aktivnosti u vezi sa sprečavanjem širenja zaraze u prostorijama ustanove, donošenjem potrebnih radnih upustava ili instrukcija koji se odnose na sve usposlenike ustanove.

Predstavnici tima su direktor MES-a Nihad Kreševljaković, te radnice ustanove Hana Bajrović, stručni saradnik za organizaciju i Dajana Gurda, stručni saradnik za propagandu.

Nepridržavanje mjera utvrđenih ovim Kriznim planom od strane radnika i posjetilaca J.U. MES predstavlja kršenje Zakona o zaštiti stanovništva od zaraznih bolesti („Sl. Novine FBiH“, broj:29/05).

**NAPOMENA: Ovaj krizni plan mijenjat će se i dopunjavati shodno preporukama i naredbama nadležnih organa.**

Sarajevo, 9.7.2020.  
Broj: 01-VII-341-1/20



Direktor

Nihad Kreševljaković

Dostaviti:

- Oglasna ploča
- Web stranica
- a/a